



CONCELLO DE BOQUEIXÓN
Forte s/n
15881 Boqueixón (A Coruña)

Teléfono: **981- 51 30 52**
Fax: **981- 51 30 00**
correo@boqueixon.dicoruna.es
C.I.F.: **P-1501200-H**

ORDENANZA Nº 3

ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS.

ARTIGO 1.- NATUREZA E FEITO IMPOÑIBLE.

1.- O imposto sobre actividades económicas é un tributo directo de carácter real, do que o feito imponible está constituído polo exercicio neste término municipal de actividades empresariais, profesionais ou artísticas exérganse ou non en local determinado e estean ou non especificadas nas tarifas do imposto.

2.- Considéranse, ós efectos deste imposto, actividades empresariais as gandeiras, cando teñan carácter independente, as mineiras, industriais, comerciais e de servizos. Non teñen, por conseguinte, tal consideración, as actividades agrícolas, as gandeiras dependentes, as forestais e pesqueiras, non constituindo feito imponible polo imposto ningunha delas.

Ós efectos do previsto no párrafo anterior, terán a consideración de gandería independente, o conxunto de cabezas de gando que se encontre comprendido nalgún dos seguintes casos, de acordo coa regra número 3 do instrución do IAE :

- a). Que pascen ou se alimenten fundamentalmente en terras que non sexan explotadas agrícola ou forestalmente polo dono do gando.
- b). O estabulado fóra das fincas rústicas.
- c). O trashumante ou trasterminante.
- d). Aquel outro que se alimente fundamentalmente con piensos non producidos na finca na que se crie.

3.- Considérase que unha actividade se exerce con carácter empresarial, profesional ou artístico, cando supoña a ordenación por conta propia de medios de produción e de recursos humanos ou dun deles, coa finalidade de intervir na produción ou distribución de bens ou servizos.

4.- O contido das actividades gravadas está definido nas tarifas do imposto, aprobadas polo Real Decreto Legislativo 1175/1990, do 28 de setembro.

5.- O exercicio das actividades gravadas aprobarase por calquera medio admisible en dereito e, en particular, polos contemplados no artigo 3 do código de comercio.

ARTIGO 2.- ACTIVIDADES NON SUXEITAS.

Non constitúe feito imponible neste imposto o exercicio das seguintes actividades:

1.- A enaxenación de bens integrados no activo fixo das empresas que figuren debidamente inventariados como tal inmovilizado con máis de dous anos de antelación á data de transmitirse, e á venda de bens de uso particular e privado do vendedor, sempre que os utilizase durante igual período de tempo.

2.- A venda de produtos que se reciban en pago por traballos persoais ou servicios profesionais.

3.- A exposición de artigos co fin exclusivo de decoración ou adorno do establecemento. Pola contra estará suxeita ó imposto a exposición de artigos de regalo a clientes.

4.-Cando se trate de venta ó por menor, a realización dun só acto ou operación aislada.

ARTIGO 3.- EXENCIONES.

1.- Están exentos do imposto:

a). O estado, as comunidades autónomas e entidades locais, así coma os organismos autónomos do estado e as entidades de dereito público de análogo carácter das comunidades autónomas e das entidades locais.

b). Os suxeitos pasivos que inicien o exercicio da súa actividade no territorio español, durante os dous primeiros períodos impositivos deste imposto no que se desenvolve a mesma.

c). Os seguintes suxeitos pasivos:

- As persoas físicas.
- Os suxeitos pasivos do imposto sobre Sociedades, as sociedades civís e as entidades do artigo 33 da Lei 230/1963, do 28 de decembro, Xeral Tributaria, que teñan un importe neto da cifra de negocios inferior a 1.000.000 de euros.

d)As entidades xestoras da Seguridade social e as Mutualidades de previsión social reguladas na Lei 30/1995, de Ordenación e supervisión de Seguros Privados.

e)Os organismos públicos de investigación, os establecementos de ensinanza en tódolos seus graos costeados integramente con fondos do Estado, das Comunidades Autónomas ou das Entidades Locais, ou por fundacións declaradas benéficas en tódolos seus graos que, carecendo de ánimo de lucro, estivesen en réxime de concerto educativo, incluso se facilitasen ós seus alumnos libros ou artigos de escritorio ou lles prestasen os servicios de media pensión ou internado e aínda que por excepción vendan no mesmo establecemento os produtos dos talleres dedicados á dita ensinanza, sempre que o importe de dita venda, sen utilidade para ningún particular ou terceira persoa, se destine, exclusivamente, á adquisición de materias primas ou ó sostenemento do establecemento,

f)As asociacións e fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, e tutela de minusválidos realicen aínda que vendan os produtos dos talleres adicados a ditos fins, sempre que o importe de dita venda se destine exclusivamente á adquisición de materias primas ou ó sostemento do establecemento.

g)A Cruz Vermella Española.

h)Os suxeitos pasivos ós que lles sexa de aplicación a exención en virtude de tratados ou convenios internacionais.

2.- Os suxeitos pasivos ós que se refiren os párrafos a), d), g) e h) do apartado anterior non están obrigados a presentar declaración de alta na matrícula do imposto.

3.-As exencións previstas nos párrafos b), e) e f) do apartado 1 deste artigo terán carácter rogado e concederanse, cando proceda, a instancia de parte

ARTIGO 4.- SUXEITOS PASIVOS.

Son suxeitos pasivos deste imposto as persoas físicas ou xurídicas e as entidades ás que se refire o artigo 33 da lei xeral tributaria, sempre que realicen neste término municipal calquera das actividades que orixinen o feito impositivo.

ARTIGO 5.- COTA TRIBUTARIA.

A cota tributaria será a resultante de aplicar as tarifas do imposto e os coeficientes e bonificacións previstos nos artigos 87 e 89.1 ,respectivamente, da lei 51/2002 de 21 de decembro de modificación da Lei reguladora das facendas locais.

ARTIGO 6.- PERÍODO IMPOSITIVO E DEVENGO.

1.- O período impositivo coincide co ano natural, excepto cando se trate de declaracións de alta que abarcará desde a data de comezo da actividade ata o fin do ano natural.

2.- O imposto devéngase o primeiro día do período impositivo e as cotas serán irreducibles, salvo cando os casos de declaración de alta, o día de comezo da actividade non coincida co ano natural no cal as cotas calcularanse proporcionalmente ó número de trimestres naturais que restan para finalizar o ano, incluído o do comezo do exercicio da actividade.

3.- Tratándose de espectáculos, cando as cotas están establecidas por actuacións aisladas, o devengo prodúcese pola realización de cada unha delas.

DISPOSICIÓN FINAL.

Esta ordenanza fiscal entrará en vigor o mesmo día da súa publicación no BOP e será de aplicación a partires do 1 de xaneiro de 2004, permanecendo en vigor ata a súa modificación ou derogación expresa.